

ii^C iii^{xx}

Testament de cecile amouraude
vefve de feu bernard daxea

Comme ainsin soict qu()il n()y ayt homme qui ne soict mortel ny qui puisse esviter le jugement de dieu eternel pardevant lequel ung ch(ac)un est tenu randre compte et ntiere satisfaction de ses faultes et offences et d()aultant qu()il n()y a rien de plus certain que la mort ny rien plus incertain que l()heure d()icelle pour ce est il que ce jourd'huy **quinzie(me)** du mois de **juillet mil cinq cens quatre vingtz dix neuf** aprez midy dans la **mette(rie) de la testatrix** cy aprez nommee au viscomte de villemur consulat de **monvalen** dioceze de mo(n)tauban et seneschaucee de th(ou)l(ous)e regnant n(ot)re souverain prince henry par la grace de dieu roy de france et de navarre pardevant moy not(air)e royal et presans les tesmoingz bas nommez establye en personne **cecille amouraude vefve** a feu **bernard daxea** laquelle estant dans ung lict a une chambre basse de sa mette(rie) detenue de certaine maladie corporelle toutesfois par la grace de dieu bien voyant oyant parlant et en ses bon sens et parfaicte cognoissance a faict et ordonné son dernier testament nuncupatif et derniere volonté en la forme et maniere que s()ensuict et premierement a recommande son ame a dieu le createur le priant qu'aprez avoir faict la separa(ti)on de son corps la vouloir colloquer en son royaume celeste et a voulu que sond(it) corps soict ensepvely au **cimetiere s(ain)t jean** dud(it) villemur sans aulcune pompe funebre suivant l()ordre de la relligion chrestienne de()laquelle elle faict proffession / item a dict

.....

et declaré qué **jacques daxea son filz** est en **espagne** auquel elle a employé beaucoup de ses moyens po(ur) luy f(air)e apprendre son estat par ce lad(ite) testatrix luy donne cinq solz t(ournoi)z avec lesquelz l a faict son heretier par(ticuli)er que ne puisse rien plus demander en ses biens et heredité, item lad(ite) testatrix a dict que **ysabeau daxea sa filhe** a este colloquee en mariage avec **jacob bartuel** cotelier de montauban a laquelle auroict esté payé po(ur) sa()dot la somme de deux cens livres t(ournoi)z lict robes et au(tr)es chozes resultans des pactes de mariage a laquelle ysabeau sad(ite) filhe a donné et legué p(our) tout droict d'institu(ti)on et hereditaire portion cinq solz t(ournoi)z moyennant laquelle veult que ne puisse rien plus demander en ses biens et heredité item lad(ite) testatrix a donné et legue donne et legue a **rachel daxea sa filhe** la somme dent escus solz valant trois cens livres quatre linsseulz une robe nuptial et

ung cottillon aussi nuptial de sarge de mo(n)tauban a drapade payable le tout lors qu()elle viendra a se colloquer en mariage par son heretier bas nomme]et[a la charge qu()elle veult qu()icelle rachel soict nourrie et entretenue par sond(it) heretier jusques a ce qu()elle se mariera et moyenant ce la faict son heretiere particuliere que ne puisse rien plus demander en ses biens et heredité et parce que le chef et fondement de tout]e[testament est l()institu(ti)on de l()heretier a ceste cause lad(ite) testatrix en tous et ch(ac)uns ses au(tr)es biens m(eu)bles et immeubles presans et advenir droictz voix noms et actions a faict et institue son heretier universel et general et l()a nomme de sa propre bouche scavoir est **andre daxea**

.....
ii^C iii^{xx} i

son filz par lequel veult q(ue) les susd(its) legatz soient payez et ce dessus a dict estre son dernier testament nuncupatif et derniere volonte lequel veult que vaille e(t) soict valable par droict de testament codicille ou donna(ti)on a cause de mort et par tout au(tr)e droict stil et coustume que pourra valoir cassant revocquant et annullant tous au(tr)es testamens codicilles()et au(tr)es disp(ositi)ons precedantes le p(rese)nt demeurant en son efficace et vertu si a priez les tesmoingz bas nommez qu()elle a recogneus de ce dessus estre memoratifz et a moy not(air)e ly en retenir instrument ce qu'ay faict presans guerin fontanier forgeron de villemur anthoine sicard manaud et au(tr)e anthoine sicardz filz d icell(ui) laboreurs de la parroisse de monvalen anthoine yvernou chaussatier de rabastenx jean peyrilhe labore(ur) de real bernard nicolau laboureur de monvalen ne scachant escrire ny lad(ite) testatrix et je jacques esteverin not(air)e royal de villemur requis e(t) soub(sig)ne

Esteverin, not(aire) r(oyal)